



Inatsisartunut ilaasortaq Doris Jakobsen Jensen, Siumut

**Arsummi talittarfimmi ikaartarfik pillugu § 37 naapertorlugu apeqquteqaammut
2022-134-mut akissut**

Asasara Doris J. Jensen

Inatsisartut suleriaasianni § 37 naapertorlugu Arsummi talittarfimmi ikaartarfik pillugu Naalakkersuisunut apeqquteqaateqarputit. Apeqqutit uannit akineqartussatut innersuunneqarpoq. Apeqqutit matuma kinguliani allanneqarpoq, akissummillu malitseqarluni.

13-07-2022
Suliaq normu: 2022 -
14107
ID. nr. 77984091

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
www.naalakkersuisut.gl

**Umiarsuup ilaasartaatip ilaasuia, Arsummi talittarfiani ikaartarfia ukioq
kingullerli aserornikuulluni allunaasaannarnik atasoq qaqugu iluarsineqarniarpa?**

Akissut: Talittarfimmi ikaartarfimmi aserorsimasut suliarineqarnissaannut aningaasartuutissat annertunngillat, atortussalli pisariaqartinneqartut sulisussallu Arsuliaanneqarnissaannut aningaasartuutissat annertussallutik. Taamaattumik suliffeqarfiit suliassamik tiguisinnaasut allaffeqarfimma ataavartumik oqaloqatigai, talittarfimmilu ikaartarfimmi aserorsimasut suliarineqarniassammata, periarfissanngoriarpat piaartumik suliarineqassallutik.

Taamaakkaluortoq iluarsartuussisarneq aaqqiissutissatut attanneqarsinnaanngilaq. Arsummi puttasooq nutaanngilisimasorujussuuvoq, najukkamilu pissutsit patsisaallutik ajoqusikkajuttarluni. Taamaattumik ajoquseqattaaginnartumik iluarsartuussisaqattaaginnarani, tinittarnera ulittarneralu malillugit majuartarfissat pilersaarutigineqarput. Tinittarnera ulittarneralu malillugit majuartarfiit silamik patsiseqartumik aserujanninnerupput, atuisunullu ataasiakkaanut innuttaasunullu isumannaannerullutik.

Ulinngatillugu ilaasut ikiorarsinnaanissaat, nioorarsinnaanissaallu qulakkeerumallugu tinittarnera ulittarneralu malillugit majuartarfinnut atatillugu puttasussanut, qulimiguulinnut mittarfiup eqqaani kangerliumanermiittussanik aamma pilersaarusiortoqassaaq.

Tamatuma saniatigut paasissutissiissutigisinnaavara, Namminersorlutik Oqartussat umiarsualiviutaannik aserfallatsaaliineq Umiarsualivinnut pilersaarut 2017-2027 naapertorlugu aqqiissuunneqarmat. Umiarsualivinnut pilersaarummi 2017-2027-mi innersuussutigineqarpoq, puttasut (Landgangsponten kiisalu Anløbsbroen) tunniunneqanngikkunik atorunnaarsinneqassasut.

Innuttaasut Arsummi umiarsualivimmik siuinissami atuinissaanni periarfissaasa pitsanngorsarneqarnissaat siunertaavoq. Umiarsuaaqqat talittarfiata avataatungaata itisilerneqarneratigut ilaasartaatit pajuttaatillu talissinnaanngornissaat naliliinermi

tunnngavigineqarpoq, malitsigisaanillu siunertarineqartoq anguneqarsinnaasoq uuttortaanerit takutippassuk. Umiarsualivik nunap immikkoortortaanni aserfallatsaaliinissamik periusissiami sulii ilaatinneqarnissaa, talittarfillu mulipurposenik taaneqartartunik talittarfinngortinneqassasoq siunertarineqarpoq.

Neriuppunga qulaani allaqqasuni apeqquteqaatit akineqartoq.

Inussiarnersumik inuulluaqqusillunga



Erik Jensen